


79 397

I



QVÆSTIO MEDICA,

QVODLIBETARIIS DISPUTATIONIBVS

MANE DISCVTIENDA,

IN SCHOLIS MEDICORVM,

die Iouis 11.1. Aprilis,

M. FRANCISCO PAIOT,

DOCTORE MEDICO, MODERATORE.

An etiam post Variolarum eruptionem, vena sectio?

I.

HVNC nascentem placido lumine vidit summus Naturæ
parens, qui numquam febrem est expertus: tam ar-
cto & vix dissociabli necessitudinis fœdere jungitur huma-
no corpori; nulli ætati parcit, omnibus *πανότατον νόσημα*.
Illa calor est, non quiuis tamen valet eam excitare, ultra de-
bitos limites & præscriptos cancellos egrediatur necesse est,
qui fixus & permanens non est, sed fugax febris nomen non
meretur, nec is pariter qui quamlibet corporis partem in-
cendit, si Cor domicilium natiui caloris non attigerit: quod
vbi accensum, tum calor acer, pulsus plus æquo citior,
quandoque flammea vrina: caussa non alia nec diver-
sa ab intemperie calida; ex ejus vi & efficientia summæ &
præcipuæ differentiæ statuendæ, ephemera, putrida, hectica;
non levis est momenti nec à Medicis spernenda quæ maligna

A

ex putridarum genere dicitur, inter quas non vltimum locum obtinet illa quam *κανάπων ἀνιδείγματα, ἐξαιθήματα, ἐκθύματα* comitantur.

II.

IN putridarum genere Variolæ accensendæ, quibus si quis impune defungatur, non queratur de sua sorte: hæ *ἐκθύματα* sunt per totum corporis ambitum erumpentia, veteribus non ignota, febris synochi putridæ, malignæ, & quæ contagio disseminatur legitima soboles, numquam sine febre, ipsique grauiâ affident symptomata; torquet *ὀσφραλγία, ὀδὴν νάτου, ὀδὴν ἐν τῷ λαμφῷ, πτοία ἐν τῷ ὕπνῳ & σκαρδινισμός*, recurrit nausea, vomitus fatigat, tussis inanis quatit, rubore facies suffunditur, raræ manant per genas lacrymæ, Cerebrum sopor occupat, quandoque *τἀλαγμός*, qui semper funestus, tandemque sanguis, non ob copiam, feruorem & tenuitatem, sed malignæ putredinis labe inquinatus in venis diutius nequit coerceri, statimque vel in primo febris insultu, vel mox postea vi propulsus in cutem, commune corporis emisarium effunditur; ibique pustulas rotundas, rubras, humore plenas excitat: his interim interiora non carent, quæ sanguinea, carnosa sunt, venisque copiosis referta vt plurimum inficiuntur.

III.

VERE fortunati illi ægri, quibus efflorescunt & extuberant in cutē Variolæ, vi naturæ noxium humorem ab vtili secerant, in eam exigentis: at plerumque erumpunt, putri humore suâ sibi acrimoniâ & orgasmo feroci ed viam moliente. Iacer quippe illa eruptione effœcta natura, & à suis muniis circa noxios humores obeundis sæuitiâ symptomatum auocatur, aut si quando recreatur, tamen non iuuatur; humoris enim orgasmus qui ad tempus post eruptionem Variolarum tranquilluss videbatur, simulatus est; mox in furias, cum in suppuratum vertuntur; iam agitur, & qui credulis ac imperitis pacem & salutem pollicebatur, rursus bella mouebit, matribus sæpe detestata, mortemque meditabitur. Iam non humoris etiam mitioris copiâ premitur æger, aut alienâ

ejus qui fuerit infensus qualitate laceffitur, sed nouæ semper putredinis discrimen impendet, propter humorem quem nequit natius calor superare; sicque efferus ille humor, suâ instabilitate & malignitate cum naturæ coquentis conatus eludat, vel suâ pertinaciâ crassus cum fuerit & viscidus, ei pellenti & suppurato studenti morem non gerat, nec obsequatur, aut subito recurret ad intima, aut virides, nigras pustulas, mali omnes ominis exhibebit.

IV.

ΙΣχυρόν & μέγαν βοήθημα Variolarum, non amuleta, quæ vere sunt infantulorum crepundia, non vesicantia, non aurum quantumuis potabile, non Arabum diuitiæ, morbo plerumque operosiores: vnicum tibi sit venæ sectio, cui reliqua tanquam leuis armaturæ præsidia famulentur. Hæc omnem mouebit lapidem, potenter refrigerat, euacuat quantum opus est, occlusas venarum scaruriginēs, cohærentes meatus & interdictam consensionem soluit, putredinem latius serpentem arcet, & ne, quam ferox humor singulis partibus minatur ruinam, tandem in principem conferat, feliciter auertit. Nulla ætas, nulla regio, tale remedium respuit, nec semel sanguinem fudisse satis, tanta quandoque in venis subest putredo, vt sit in ipsis ζώοντες: toties id celebrandum, donec vasorum putredini & febris incendio sit prospectum; hac arte leuata quæ corpus nostrum regit natura, exonerataque eo quo velut sarcina premebatur, non ægre quod reliquum est vincet, sui que muneris non oblita, & coquet quod potest concoqui, & à vasis maioribus partibusque nobilioribus quasi regiâ sede ad minores venas, determinatumque habitum explodet quod potest explodi.

V.

MVLTA tulit æger ante Variolarum eruptionem incommoda, plura tamen adhuc laturus, si post earum eruptionem imperitus Naturæ minister tunc temporis ferietur: neque enim defunctum illum morbo, nec extinctam fe-

brems cogites: infida est illa euacuatio quæ non est critica, non ad vmbilicum morbum deduxit qui Variolarum eruptionem venæ sectione promouit, si penetralia non sint integra, & tantæ labis expertia: quod assequi difficile si naturæ in eruptione Variolarum hydræ modo renascentium, trepidanti, & earum pepasmo inuigilanti, tanquam nouus Hercules, generoso remedio non opituleris, & salutare suppetias non feras: eâ sæpius vsurpatâ intestinorum detrimentum præcauebis, tussim, anginam, spirandi difficultatem sedabis, comatosos affectus omnes eludes: vno verbo, febrem jugulabis, sicque perniciem minantes post variolarum eruptionem graues affectus, audacter & feliciter propulsabis, fugietque retro omnis Variolarum malitia, eam pellente venæ sectione.

Ergo etiam post Variolarum eruptionem, venæ sectio.

DOMINI DOCTORES DISPVTVRI.

<i>M. Ægidius le Bel, Chir. Prof.</i>	<i>M. Philippus Douré.</i>	<i>M. Cypr. Hubaut, Pharm. Prof.</i>
<i>M. Abrahamus Theuart.</i>	<i>M. Nicolaus Morin.</i>	<i>M. Guido Patin, Prof. Reg.</i>
<i>M. Nicolaus Lienard.</i>	<i>M. Carolus Patin.</i>	<i>M. Iacobus Theuart.</i>

Proponebat Lutetiæ CAROLVS MARTEAV,
Laudunæus, fidelissimæ Picardorum Nationis
Procurator, A. R. S. H. M. DC. LXIV.